



UNIVERSITETI PUBLIK "KADRI ZEKA" UNIVERSITY

Zija Shemsiu pn., 60000, Gjiilan, Republika e Kosovës

www.uni-gjiilan.net tel: 0280390112

Ref. nr. 02/1244Dt. 09/06 /2021

Në mbështetje të Nenit 23, paragrafi 1.3 të Statutit të Universitetit "Kadri Zeka", si dhe në pajtim me Ligjin për Arsimin e Lartë të Republikës së Kosovës dhe të Udhëzimit Administrativ Nr. 1/2015 dt. 27.02.2015 të Ministrisë së Arsimit, Shkencës dhe Teknologjisë, lidhur me mbajtjen e zgjedhjeve në Universitetin "Kadri Zeka" Gjiilan, Këshilli Drejtues në mbledhjen e XXXI të mbajtur më 25.05.2021, miraton:

Rregullat dhe procedurat për zgjedhjet e përgjithshme në UKZ

I. Dispozitat e përgjithshme

Neni 1

1. Të gjitha rregullat dhe procedurat e mëtejme duhet t'i referohen dhe të bazohen në Statutin e UKZ-së dhe aktet tjera normative në fuqi.
2. Çdo ankesë kundër vendimeve të bazuara në këto rregulla dhe procedura duhet të adresohen:
 - së pari tek Komisioni Qendror Zgjedhor
 - së dyti tek Këshilli Drejtues i UKZ-së.

Neni 2

1. Zgjedhjet mbahen në të gjitha njësit akademike të UKZ-së për zgjedhjen e:
 - 1.1 Anëtarëve të këshillave të fakulteteve nga radhët e profesorëve;
 - 1.2 Anëtarëve të këshillave të fakulteteve nga radhët e asistentëve;
 - 1.3 Anëtarëve të këshillave të fakulteteve nga radhët e personelit jo-akademik;
 - 1.4 Anëtarëve të Senatit nga radhët e personelit akademik;
 - 1.5 Anëtarëve të Senatit nga radhët e personelit jo –akademik;
2. Zgjedhjet e parapara nënën paragrafët 1.1, 1.2 dhe 1.3 nga paragrafi 1, mbahet ashtu siç parashihet në Nenin 74 të Statutit të UKZ-së.

Neni 3

Në personelin akademik përfshihen: profesorët, asistentët dhe lektorët.

Neni 4

1. Të gjithë kandidatët që i futen garës, të cilët zgjidhen përmes këtyre zgjedhjeve, do të mbajnë mandatin e tyre, si përcaktohet me Statut.
2. Në rast të dorëheqjes, ndërprerjes së kontratës, pensionimit, vdekjes, përjashtimit të mandatarit apo për shkak të ndonjë arsyeje tjetër, mandati do t'i takoj personit të parë në radhë në listën pritëse nga rezultatet e zgjedhjeve.
3. Në rastet kur nuk ka të zgjedhur nga rezultatet fillestare të zgjedhjeve, atëherë organizohen zgjedhjet për plotësimin e pozitës përkatëse (vakante).

Neni 5

1. Secili anëtar i personelit të UKZ-së në marrëdhënie të rregullt pune ka të drejtë të marrë pjesë në këto zgjedhje.
2. Në rastet kontestuese në lidhje me të drejtën për të votuar (aktive) ose të drejtën për të qenë kandidat (pasiv), vendimi i arsyetuar duhet të merret nga Komisioni Qendror Zgjedhor.

II. Komisioni qendror zgjedhor (KQZ)

Neni 6

1. Komisioni Qendror Zgjedhor do të përmbushë obligimet e veta, siç ceket në Statut dhe aktet tjera ligjore.
2. Komisioni qendror zgjedhore duhet të përbëhet nga 3 anëtarë: Sekretari i përgjithshëm i UKZ-së, kryesues dhe dy anëtarë të tjerë që i cakton KD.
3. KQZ formon komisionet zgjedhore të fakulteteve që përbëhen prej 3 anëtarëve: Sekretarit tënjësisë akademike, kryesues dhe dy anëtarëve të tjerë nga stafi akademik i njësisë përkatëse.

Neni 7

1. Secili anëtar i personelit do të ketë të drejtën të ankohet kundër vendimeve të Komisionit Qendror Zgjedhor në forme të shkruar dhe me arsyetim të bazuar tek Këshilli Drejtues i Universitetit. Vendimi rreth ankesës duhet të merret brenda 2 javëve pas pranimit. Vendimi i Këshillit Drejtues është vendimtar.

Neni 8

1. Protokollet e komisionit të zgjedhjeve duhet të përgatiten dhe nënshkruhen nga kryesuesi dhe anëtarët e KQZ.
2. Mbledhjet e KQZ thirren nga Kryetari i KQZ-së.

III. Listat e votuesve

Neni 9

1. Administrata e fakulteteve dhe Administrata Qendrore e UKZ-së ka për detyrë t'i ofrojë të dhënat e kompletuara të votuesve me të drejtë vote Komisionit Qendror Zgjedhor.

2. Në rast të vonesës ose refuzimit për të dorëzuar të dhënat nga ndonjë fakultet, nga ana e Keshillit Drejtues të UKZ-së do të merren masa disiplinore ndaj përgjegjësve në përputhje me rregulloret përkatëse.

Neni 10

1. Një listë e votuesve me të drejtë vote do të përgatitet nga Komisioni Qendror Zgjedhor për secilin njësi akademike, duke përfshirë të dhënat në vijim:

1.1. Personeli akademik:

1. Numri rendor
2. Emri
3. Mbiemri
4. Data e lindjes
5. Titulli profesional
6. Fusha kryesore e profesionit
7. Departamenti/Instituti

1.2 Personeli jo-akademik:

1. Numri rendor
2. Emri
3. Mbiemri
4. Data e lindjes
5. Titulli profesional
6. Fusha kryesore e profesionit
7. Departamenti/Instituti

IV. Kandidatët

Neni 11

1. Secili anëtar i personelit të UKZ-së që është regjistruar në listën e votuesve ka të drejtë të regjistrohet si kandidat për mandat siç ceket në Nenin 2.

2. Të qenit anëtar në Komisionin Qendror Zgjedhor ose në ndonjë komision zgjedhor të fakultetit nuk është pengësë për të qenë kandidat në zgjedhjet e përgjithshme.

3. Votuesit me të drejtë vote kanë të drejtë të regjistrohen për më shumë se një mandat.
4. Nuk lejohet ushtrimi i më shumë se një mandati. Nëse një anëtar i personelit zgjidhet për më shumë se një mandat, duhet të deklarohet me shkrim se cilin mandat dëshiron ta ushtrojë. Nëse një anëtari personelit shkel mbi këtë parim, Komisioni Qendror Zgjedhor i revokon të gjitha mandatet e këtij personi.
5. Procesi i zëvendësimit të mandateve pastaj bëhet sipas mënyrës së përshkruar në nenin 4 të kësaj Rregullore.

V. Regjistrimi i kandidatëve

Neni 12

1. Secili votues me të drejtë vote ka të drejtë të regjistrohet si kandidat përndonjë mandat që i është caktuar kategorisë së tij/saj dhe fakultetit.
2. Duhet të përgatiten procedurat e regjistrimit për secilin fakultet.
3. Komisioni zgjedhor i fakultetit duhet të caktojë një periudhë për regjistrim nga 08.00 dhe 14.00h gjatë ditës së regjistrimit, datë e cila do të shpallet nga Komisioni Qendror Zgjedhor.
4. Dita e regjistrimit duhet të jetë së paku 2 ditë para ditës së zgjedhjeve.
5. Votuesit me të drejtë vote, të cilëve për shkaqe të arsyeshme nuk mund të regjistrohet si kandidat, atij duhet t'i jepet mundësia të regjistrohen edhe përmes aplikacioneve elektronike (email).
6. Një formular përkatës për regjistrim, shtojca 1, do të jetë në dispozicion në Administratën e UKZ-së dhe në ueb-faqen e UKZ-së.

Neni 13

1. Komisioni Qendror Zgjedhor është i obliguar të kontrollojë çdo regjistrim të kandidatës për validitet, duke iu referuar listës së votuesve dhe dispozitave të këtyre rregullave dhe procedurave.

2. Lista zyrtare e kandidateve do të përgatitet nga Komisioni i Qendror Zgjedhor për secilin fakultet dhe Administratën Qendrore, duke përfshirë të dhënat në vijim:

2.1. Personeli akademik:

1. Numri rendor
2. Emri
3. Mbiemri
4. Data e lindjes
5. Numri i letërnjoftimit
6. Titulli profesional
7. Departamenti/Instituti

2.2 Personeli jo-akademik:

1. Numri rendor
2. Emri
3. Mbiemri
4. Data e lindjes
5. Numri i letërnjoftimit
6. Fusha profesionale
7. Departamenti/Instituti

3. Lista zyrtare e kandidatëve do të publikohet nga Komisioni Qendror Zgjedhor në ditën e zgjedhjeve në dekanatet e fakulteteve dhe në ueb-faqen e UKZ-së në internet.

VI. Dita e zgjedhjeve

Neni 14

1. Këshilli Drejtues shpall zgjedhjet dhe cakton datën dhe orën e mbajtjes së zgjedhjeve.
2. Vendvotimet hapen në datën dhe kohën sipas agjendës së përcaktuar nga KQZ.

Neni 15

1. Votuesit me të drejtë vote duhet që personalisht të hedhin votën në vendvotim të fakultetit, në të cilin janë caktuar sipas kontratës së tyre.
2. Asnjë votues nuk duhet të ketë të drejtë të votojë në më shumë se një vendvotim.

Neni 16

Komisioni Qendror Zgjedhor duhet të shpallë lokacionin e vendvotimeve.

Neni 17

Zgjedhjet mbahen, nën mbikëqytjen e Komisionit Qendror Zgjedhor.

VII. Procedurat e votimit dhe fletëvotimet

Neni 18

1. Gjatë kohës së votimit, së paku dy anëtarë të KQZ-së duhet të jenë të pranishëm gjatë gjithë kohës për të siguruar mbarëvajtjen e rregullt të procedurave zgjedhore.
2. KQZ duhet të sigurojë hapat e mëtejme procedural për mbarëvajtje të zgjedhjeve:
 - 2.1. Hapja dhe mbyllja e vendvotimit në kohën e caktuar dhe mbajtja e vendvotimit të hapur gjatë periudhës së caktuar së zgjedhjeve;
 - 2.2. Ofrimi i materialeve të nevojshme për mbajtjen e votimeve;
 - 2.3. Shpërndarja e materialeve zgjedhore;
 - 2.4. Shënimi i procedurave të votimit në protokollin e komisionit zgjedhor;
 - 2.5. Vulosja e kutive të votimit dhe shënimi i numrave të vulave;
 - 2.6. Shënimi i sasisë dhe numërimi i votave;
 - 2.7. Shënimi i rezultateve tëzgjedhjeve.

Neni 19

1. Procedura e votimit duhet të përmbajë hapat në vijim:
 - 1.1. Nga votuesi kërkohet të identifikohet me dokument valide (ID, letërnjoftim, patent shofer, pasaportë);
 - 1.2. Nga votuesi kërkohet që të identifikohet me statusin e tij në UKZ (profesor, asistent, lektor, staf administrativ);
 - 1.3. Komisioni i zgjedhjeve e gjen votuesin në listën e votuesve;
 - 1.4. Komisioni zgjedhor kërkon nga votuesi të nënshkruhet në listën e votuesve.
 - 1.5. Komisioni zgjedhor i jep votuesit fletëvotimet e përshtatshme;

- 1.6 Votimi bëhet në mënyrë të fshehtë në kabinën e votimit;
- 1.7 Komisioni zgjedhor ndërron një fletëvotim, me kërkesë të votuesit, nëse e ka të dëmtuar;
- 1.8 Votuesi e hedh votën në kutinë e votimit;
- 1.9 Votuesi del nga vendvotimi menjëherë pas votimit;
- 1.10. Komisioni zgjedhor shënon në protokoll çdo ndryshim të këtyre procedurave.

Neni 20

1. Secili fletëvotim duhet të përmbajë emrat e të gjithë kandidatëve, të cilët janë regjistruar për mandate të caktuara. Kandidatët duhet të radhiten në fletëvotime sipas mbiemrave dhe emrave.
2. Secili votues ka të drejtë të shënojë aq kandidatë sa ka edhe mandate në konkurrim, në zgjedhjet e caktuara. Një lajmërim i përshtatshëm duhet të jepet në fillim të fletëvotimit.
3. Fletëvotimet janë valide kur maksimumi i kandidatëve të paracaktuar ose më pak siç ceket në fletëvotim janë shënuar dhe kur qëllimi i votuesit është i qartë.
4. Fletëvotimet janë jo-valide kur shënohen me shumë kandidatë sesa maksimumi i paracaktuar -siç ceket në fletëvotim ose kur nuk shënohet asnjë kandidatë.
5. Në të gjitha rastet e tjera të kontestimit të validitetit të fletëvotimit, vendimi duhet të merret nga Komisioni Qendror Zgjedhor sipas kërkesës së Komisionit zgjedhor të fakultetit.

Neni 21

Secili votues me të drejtë vote ka të drejtë të dorëzojë ankese në lidhje me procedurat e zgjedhjeve tek Komisioni Qendror Zgjedhor.

VIII. Rezultatet e zgjedhjeve- hedhja e shortit

Neni 22

1. Komisioni Qendror i Zgjedhjeve është i obliguar të shpallë rezultatet zyrtare të zgjedhjeve brenda 24 orëve pas mbylljes së vendvotimeve.
2. Në rastet kur dy ose më shumë kandidatë kanë marrë numrin e njëjtë të votave për një numër joadekuat të mandateve në dispozicion dhe kandidatët janë të njëjtës gjini, atëherë duhet

të organizohet hedhja e shortit nga ana e Komisionit Qendror të Zgjedhjeve, që do të vendosë për ndarjen përfundimtare të mandateve.

3. Nëse njëri nga kandidatët është femër, ka përparësi dhe zgjidhet pa short.


IX. Procedura ankimore

Neni 23

1. Ankesat mund të paraqiten në afat prej dy ditësh, pas shpalljes zyrtare të rezultateve.
2. Gjate kësaj periudhe mundtëdorëzohen ankesa me shkrim, në lidhje me procedurat e zgjedhjeve, rezultatet e votimeve dhe të zgjedhurit.
3. Komisioni Qendror i Zgjedhjeve ka për detyrë të vendosë rreth të gjitha ankesave brenda tri ditësh pas marrjes së tyre.
4. Pas përfundimit të kësaj periudhe, Komisioni Qendror Zgjedhor duhet të shpallë rezultatet zyrtare të zgjedhjeve.



Kryesuesi i Këshillit Drejtues


Msc. Ibrahim Kosumi